

遵義府志卷十五

蜀書 卷十五 遵義府志

自漢文帝賜天下田租之半蠲貸之令不絕書而蜀中特蠲之詔漢廷唐不見諸史遵義在蜀一隅更所勿論至宋中葉施舍之典乃稍稍及徽宗政和三年以復濠播降德音於梓夔路元成宗大德七年以荆湖川蜀供給軍餉減免差稅有差武宗泰定卽位各減免播州差發差稅一年明永樂四年免播州荒田租神宗平播蠲四川加派田租逋賦然特以挽輸繁重或無名不急間從蠲減惟我

遵義府志

卷十五

蠲卹

國家子惠元元

深仁厚德普天率土罔不敬承蜀徼黔陬尤厪

宵旰全蠲半免疊沛

絲綸窮鄉僻壤黃口華顛胥舍哺鼓腹嬉遊于

湛恩汪濊中固非前代之行慶施惠所能擬其萬一也謹

依次條舉而地方養濟漏澤諸政附卷末焉

順治十八年正月初九日欽奉

恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者

倍之

康熙三年六月欽奉

恩詔內開

一直省順治十五年以前拖欠銀米等項錢糧概行蠲免康熙四年三月初五日欽奉

恩詔內開

一直省順治十六十七十八年各項舊欠錢糧著照蠲免十五年以前錢糧一體蠲免其鹽課積逋催徵不得者著察明亦准酌量蠲免

康熙八年十一月二十五日欽奉

遵義府志

卷十五

蠲卹

恩詔內開

一康熙元二三年各直省地丁正項錢糧拖欠在民不能完納者該督撫察明奏請豁免

一各處養濟院所有鰥寡孤獨及殘疾無告之人有司畱心以時養贍無致失所

康熙二十五年奉

上諭

自古帝王撫馭九有軫念民依凡鞠謀生養爲計甚周猶以賜復蠲租爲布德行仁之要務朕嘉與海內元元共圖樂利弛徵減賦時厪於懷惟頻渙恩施俾萬姓得沾實惠念直隸幾輔重地天下根本寬租之詔屢沛往年但順

永保河四府較之畿南諸府差役倍多供億尤劇應再加軫恤又湖廣湖南福建四川貴州地方昔年爲賊竊踞民遭苦累今雖獲有寧宇更宜培養以厚民生一體蠲免用昭愷澤直隸順永保河四府及四川貴州兩省所有康熙二十六年應徵地丁各項錢糧俱着蠲免二十五年未完錢糧亦着悉與豁除湖廣湖南福建兩省所有康熙二十六年下半年二十七年上半年地丁各項錢糧及二十五年未完錢糧亦與盡行豁免爾部速行該地方官速行曉諭務使人民均被恩賞以副朕愛育蒼生至意如有不肖有司官役借端朦混及私行重徵者該督撫指名題參從

遵義府志

卷十五

蠲卹

三

重治罪如該督撫徇隱不行糾舉或經參奏或被告發定行一併從重治罪爾部卽遵諭行特諭

康熙二十七年十月二十三日欽奉

恩詔內開

一軍民七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之

一各處養濟院所存鰥寡孤獨及殘疾無告之人有司盟心以時養贍無致失所

康熙三十二年奉

上諭朕撫馭寰宇蚤夜孜孜惟以實惠及民俾登康阜爲念

廣西四川貴州雲南四省俱屬邊地土壤磽瘠民生艱苦與腹內舟車輻輳得以廣資生計者不同朕時切懷軫歷歲以來屢施恩恤廣西省康熙十六年通省錢糧十七年十八年民欠錢糧貴州省二十二年秋冬及二十三年春夏地丁錢糧又貴州四川二省二十五年未完及二十六年應徵錢糧雲南省二十七年以前屯地積欠錢糧俱經次第蠲豁茲念育民之道無如寬賦矧邊省地方非再沛優恤之恩則閭閻無由充裕所有康熙三十三年四省應徵地丁銀米着通行蠲免仍行文該督撫徧加曉諭令人

遵義府志

卷十五

蠲卹

四

沾實澤以稱朕嘉惠遠省民生至意如有不肖有司借端朦混私自徵收者該督撫指名奏効從重治罪爾部卽遵諭行特諭

是年四月又奉

詔免雲南貴州四川均賠無着鹽課銀一萬九千餘兩

康熙四十二年四月十八日准戶部咨四川清吏司

案呈康熙四十二年三月十八日恭逢

恩詔內開一恤民以免錢糧爲要是以直隸各省錢糧屢經

蠲免但雲南貴州四川廣西四省俱屬極邊之地朕未經巡視數年以來又未曾蠲免錢糧宜更施恩澤這四省康

熙四十三年應徵地丁各項錢糧通着蠲免該部速行文
地方官員徧行曉諭務使小民得沾實惠欽此欽遵爲此

合咨前去遵照

恩詔內事理欽遵施行

是年欽奉

恩詔內開

一軍民年七十以上者許 丁侍養免其雜派差役八十
以上者給與絹一疋綿一觔米一石肉十觔九十以上者
倍之百歲者題明給與建坊銀兩

一各處養濟院所存鰥寡孤獨及殘疾無告之人有司留

遵義府志

卷十五

蠲卹

五

心以時養膳毋致失所

康熙四十八年三月十一日欽奉

恩詔賜老人絹綿米肉悉如四十二年

恩詔之數

康熙四十九年十月初三日奉

聖祖仁皇帝詔曰朕躬膺

天眷祇承

列祖鴻庥統馭萬方子育兆庶厯懷致治宵旰靡寧幸際海

宇同風邊隅向化遐邇中外貼然在席之安者皆仰荷

天地

祖宗福祐之致也乃朕八齡踐阼之初

太皇太后問朕何欲朕對臣無他欲惟願天下治安生民樂

業共享太平之福而已迄今五十年矣惓惓此心未嘗一

日少釋每思民爲邦本勤恤爲先政在養民蠲租爲急數

十年以來除水旱災傷例應豁免外其直省錢糧次第通

蠲一年者屢經舉行更有一年蠲及數省一省連蠲數年

者前後蠲除之數據戶部奏稱通共會計已逾萬萬朕一

無所顧惜百姓足君孰與不足朝廷恩澤不施及於百姓

將安施乎朕每歲供御所需概從儉約各項奏銷浮冒亦

漸次釐革外無師旅餉饋之煩內無工役興作之費因以

遵義府志

卷十五

蠲卹

六

歷年節省之儲蓄爲頻歲渙解之恩膏朕之蠲免履行而

無國計不足之慮亦恃此經畫之有素也比來省方時邁

已歷七旬南北人民風俗及日用生計靡不周知而民生

所以未盡殷阜者良由承平既久戶口日蕃地不加增產

不加益日用不給理有必然朕洞矚此隱時深軫念爰不

靳敷仁用甦民力明年爲康熙五十年思沛大恩以及吾

民原欲將天下錢糧一概蠲免因眾大臣集議恐各處需

用軍餉發解之際兵民驛遞誼致煩苦細加籌畫悉以奏

聞故自明年始終三年以內通免一周俾遠近均沾德澤

直隸奉天浙江福建廣東廣西四川雲南貴州各巡撫及

府尹所屬除漕項錢糧外康熙五十年應徵地畝銀其七百二十二萬六千一百兩有奇應徵人丁銀其一百一十五萬一千兩有奇俱着察明全免並歷年舊欠其一百一十八萬五千四百兩有奇俱着免徵其五十一年五十二年應蠲省分至期候旨遵行民間舊欠既經豁免嗣後每年額徵錢糧務如數全完倘完不及額或別有虧空託稱民欠則負國甚矣即責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟朕則閭閻咸得衣食滋殖無有失所而為官吏者亦身名俱泰豈遵義府志

卷十五

蠲卹

七

非昇平樂利之盛事歟爾部移文各督撫諭旨到日即刊刻頒布通示窮簷令咸知悉特諭

康熙五十二年三月十八日欽奉

恩詔內開

一海宇承平已久戶口日繁地畝未加增宜施寬大之恩共享恬熙之樂嗣後直隸及各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定為常額續增人丁永不加賦用副朕休養生息之至意

一天下地丁錢糧既沛恩澤于三年內悉與豁免其自京

城及各省房地租稅多係貧民賃僦官地棲身營業宜併蠲恤以覃恩惠著察明京城內併各省每年地租額數于康熙五十三年豁免一年其歷年遺欠若干一併察明免其追補

康熙六十一年十一月二十日欽奉

恩詔內開

一各省民欠錢糧著該部查明具奏其年久應免者候旨豁免

一軍民年七十以上者許一丁侍養免其雜派差役八十以上者給與絹一疋綿一觔肉十觔九十以上者倍之

遵義府志

卷十五

蠲卹

八

雍正元年正月十二日奉

上諭老人九十以上者州縣不時存問其或孤寡及子孫貧不能養贍者督撫以至州縣設法卹養或奏聞動用錢糧務令得霑實惠

是年八月十三日欽奉

恩詔內開

一地方災傷已經查勘蠲免賦役者有司不遵仍行濫派及但免有力之家致窮民不沾實惠者事發決不饒恕一直隸各省婦女年七十以上者給與布一疋米五斗十以上者給與絹一疋米一石九十以上者倍之百歲者

題明給與建坊銀兩

一各處養濟院所有鰥寡孤獨及殘疾無告之人有司心以時養贍毋致失所

雍正二年五月奉

上諭各省督撫轉飭有司勸募好善之人於通都大邑人烟稠集之處照京師例設立普濟堂育嬰堂養老存孤

雍正七年閏二月十三日准戶部咨為欽奉

上諭事陝西清吏司案呈內閣抄出奉

上諭朕愛養黎元遐邇一體而邊遠之地小民家計不及近省尤朕心之所繫念數年以來甘肅四川雲南貴州廣西

遵義府志

卷十五

綱目

九

五省有用兵西藏及勦撫苗蠻等事其一應軍需皆動用公帑備辦秋毫不派及於民間而糧餉轉輸亦有資於民力今藏地苗疆俱已寧謐朕心嘉慰特沛恩膏着將庚戌年甘肅額徵地丁銀二十七萬七千六百兩零四川額徵地丁銀三十一萬六千三百兩零雲南額徵地丁銀一十四萬一千六百兩零貴州額徵地丁銀七萬四千二百兩零廣西額徵地丁銀三十五萬三千九百兩悉行蠲免其西安各屬地方近日亦有預備軍需之事朕心軫念着將庚戌年額徵錢糧蠲免十分之三其計銀四十七萬九千九百兩零此六省督撫大吏宜仰體朕心轉飭所屬有司

敬謹奉行務使閭閻均沾實惠如有奉行不力被不肖有司暗飽私囊或被奸胥士棍強紳劣衿包攬侵蝕者朕必訪聞得知將通省大小官員分別從重治罪至於國家設官本以理民官有恤下之責民有奉上之義若設官而不為計及養廉之資則有司之賢者將窘迫而莫能支不肖者又將橫取而無所檢束矣是以酌定錢糧耗羨均給各官養廉之法此揆情度理上下相安之道但思加恩百姓豁免正賦若將耗羨一併蠲除是民雖邀格外之恩而官轉有拮据之苦上司或因此稍有寬假則必致巧取苛索於民流弊種種轉多於耗羨之數於吏治民生均無裨益

遵義府志

卷十五

綱目

十

常見庸劣之地方官每以蠲免錢糧為不便於已心懷悻悻即此意也着於庚戌年為始凡遇特恩蠲免錢糧者其耗羨仍舊輸納諒必民所樂從若因水旱蠲免者不得徵收耗羨將此永著為例欽此欽遵於雍正七年六月十二日抄出到部相應行文甘肅四川雲南貴州廣西西安各省督撫遵奉

上諭

事理將庚戌年甘肅四川雲南貴州廣西五省額徵地丁銀兩悉行蠲免西安蠲免十分之三部文到日地方官着行徧為曉諭務使小民均沾實惠如有奉不力及借端勒索侵蝕情弊該督撫即行指名題

從重治罪仍將蠲免過銀兩細數造冊報部至耗羨銀兩仍舊照常徵收將各州縣衛所徵收過耗羨銀兩數目於歲底造冊送部查核並知照直隸等省及順天奉天二府自庚戌年為始凡遇

恩蠲免錢糧者其耗羨仍舊輸納若因水旱蠲免者不得徵收耗羨永為定例遵行可也為此咨前去查照部內事理欽遵施行

是年三月

貴黔省標鎮協營生息銀三萬四千兩分貯營運以為兵丁吉凶之需遵義協一千一百一十三兩七錢二分零

遵義府志

卷十五

蠲卹

土

仁懷營一百九十兩三錢四分零

雍正十三年八月初三日奉

諭著將今年黔省錢糧通行蠲免其被賊殘害之州縣蠲免三年錢糧若有已徵在官者准抵下次應徵之額賦

是年奉

賑恤

賑恤難民口糧米折寒衣等項銀四十五萬一千二百

三十八兩六錢一分三釐四毫七絲五忽

賑恤被水災民米折並借給牛具籽種銀四千七十八兩七錢九分五釐

一借給過難民牛具籽種銀二萬一百二十二兩五錢二分四釐九毫六絲一忽九微六塵

一借給復業難民麥種及運腳等項銀三千六百二十兩七錢四分七釐四毫九絲七忽六微

是年九月初三日欽奉

恩詔內開

一各省民欠錢糧係十年以上者著該部查明具奏候旨豁免

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者

遵義府志

卷十五

蠲卹

土

倍之

是年十一月十二日欽奉

恩詔內開

一各處養濟院所有鰥寡孤獨殘疾無告之人有司留心養贍毋致失所

是年十一月二十一日欽奉

恩詔內開

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者趙明給與建坊銀兩

乾隆十年六月初六日奉

上諭我朝

列聖相承深仁厚澤無時不加意培養元元以期家給人足

百年以來薄海內外物阜民康共享昇平之福朕臨御天

下十年於茲撫育蒸黎民依念切躬行儉約薄賦輕徭孜

孜於保治之謨不敢稍有暇逸常守節用愛人之訓凡以

爲民也今寰宇收寧既鮮糜費之端亦無兵役之耗所有

解部錢糧原爲八旂官兵及京員俸餉之所需計其所給

較之宋時養兵之費猶不及十之一二至於各處工程爲

利民之舉者取給於存公銀兩卽朕偶有巡幸賞賚所頒

遵義府志

卷十五

蠲卹

七

亦屬無幾是以左藏常有餘積數年來直省偶有水旱朕

加恩賑濟多在常格之外如前年江南被水撫綏安插計

費帑金千餘萬兩凡此皆因災傷補救而沛恩澤者朕思

海宇乂安民氣和樂持盈保泰莫先於足民况天下之財

止有此數不聚於上卽散於下仰惟我

皇祖在位六十一年蠲租賜復之詔史不絕書又曾特頒

恩旨將天下錢糧普免一次我

皇考旰食宵衣勤求民瘼無日不下減賦寬徵之令如甘肅

一省正賦全行豁免者十有餘年此中外所共知者朕以

繼志述事之心際重熙累洽之候欲使海澨山陬一民一

物無不均沾大澤爲是特降諭旨將乾隆丙寅年直省應徵錢糧通行蠲免其如何辦理之處着大學士會同該部卽速定議具奏欽此

部議請照康熙五十年例分作三年以次辦理

乾隆十一年正月初四日奉

上諭朕愛育黎元格外加恩將各省錢糧普免一次以爲休

養萬民之計經大臣等酌議國家每年一定之經費皆取

資於正賦應將各省分作三年蠲免則經費有賴而先後

之間萬民均沾膏澤至於耗羨乃有司養廉及辦理公務

之所必需應令照舊輸納朕已允行朕之逾格蠲免天下

遵義府志

卷十五

蠲卹

七

正賦者所以藏富於民且使閭閻之間終歲不聞催科之

擾也今正賦既蠲而耗羨又令完納是官民仍有交關猶

不免有追呼之擾若將蠲賦之年應徵耗羨一併緩至開

徵之年按款完納使小民於交官之便完此些須不必兩

次伺候於公庭亦勤恤民情之意著該部卽遵諭行並將

公用不敷之處作何抵撥酌議辦理各省督撫當董率有

司善爲之勿因此又別生弊端也欽此

乾隆二十六年十一月二十二日欽奉

恩詔內開

以上諭旨一丁侍養免其雜派差徭

者給與絹一疋綿一筋米一石肉十筋九十以上者倍之
百歲題明給與建坊銀兩欽此

乾隆三十五年正月元旦奉

上諭朕寅承丕緒撫有萬方申旦求衣無日不以勤恤民依
為念是以勸農省歲減賦追徵不靳多費帑金期間閭閻共
臻康阜溯在乾隆十一年丙寅朕御宇周旬肇敷愷澤曾
恭依

皇祖普免天下錢糧恩例蠲除直省額徵正賦二千八百萬
兩有奇越在三十一年丙戌際當必世興仁益惟比戶饒
裕是計復下詔將應徵漕米省分照康熙年例概蠲一次
遵義府志

卷十五

蠲卹

五

俾各倉箱盈衍倍積耕餘邇年以來寰宇乂安民氣和樂
惟

上天孚佑我邦家淳錫康年頌符綏屢朕祇膺

昊蒼鴻眷其可不究澤推仁以與我海內元元答茲

嘉貺我國家席全盛之模內外經費度支有盈無絀府庫
所貯月羨歲增因思天地止此生財之數不在上即在下
與其多聚左藏無寧使茅簷蔭屋自為流通迺者仰紹
列祖貽庥化成熙洽為民藏富欣際斯辰且今年為朕六十
誕辰明歲恭逢

聖母八旬萬壽普天忭祝慶洽頻年尤從來史冊所未有是

宜更沛非常之恩以協

天心而彰國慶茲用乘春頒令誕布陽和着自乾隆三十五
年為始將各省應徵錢糧通行蠲免一次其如何分年遞
蠲之處着大學士會同該部即速詳議具奏欽此

部議分作三年以次辦理

乾隆四十三年正月二十四日奉

上諭前因

聖母萬壽特宏錫類之仁普蠲各省錢糧以昭慶惠朕本欲
俟恭祝

聖母九旬萬壽之年再溥恩施一次茲者

遵義府志

卷十五

蠲卹

六

仙馭升遐此後更無可推廣

仁慈之處現在部庫帑項又積至七千餘萬著再加恩自戊
戌年為始普蠲天下錢糧仍分三年輪免俾寰宇億兆人
民仍得其被

慈恩永申感慕而朕終天罔極之忱雖不能仰副萬一庶幾
藉茲稍展其如何輪派年分著戶部即速悉心核奏遵行
欽此

乾隆五十五年元旦奉

上諭朕賴

昊蒼眷佑既逾古稀欣開八袞幸得小康時懷大暢自乾隆

十年以迄四十二年特沛恩綸普免天下錢糧業經三次矣今歲屆朕八旬壽辰仰荷

天祖貽庥率土稱慶以至梯航重譯祝嘏來庭從古史牒實所罕覩是宜廣宣湛闡敷錫兆民用叶崇禋以答

嘉貺著將乾隆五十五年各直省應徵錢糧通行蠲免其如何按年輪蠲之處著大學士會同戶部卽速核奏遵行欽此

部議請按各直省徵額將所屬各州縣次第搭配作三次輪三年辦理是年又欽奉

遵義府志

卷十五

蠲卹

七

恩詔軍民年七十以上者賞給絹一疋綿一觔米五斗肉五觔八十以上者賞給絹一疋綿一觔米一石肉十觔九十以上者賞給絹二疋綿二觔米二石肉十二觔至百歲者題明

旌表並加賞大緞一疋銀十兩均許一丁侍養免其雜派差役欽此

乾隆五十九年八月十五日內閣奉

上諭朕臨御天下五十九年仰蒙

昊蒼眷佑

列聖貽庥薄海昇平梯航向化重熙累洽惟日孜孜無時不

以敬

天勤民爲念行慶施惠錫祐延禧普免漕糧二次地丁錢糧四次而偶遇水旱偏裨隨時蠲租賜復賑貸兼施不惜帑項數千萬兩所以涵養生息子愛黎元至周且渥茲紹膺統緒明歲正屆六十年朕春秋二十五卽位誕敷大寶迄今八旬開四康強逢吉五代同堂景運增隆寰瀛寧謐享國之年幸週甲子壽祚延洪實爲今古罕覩之盛事此皆上蒙

昊貺駢蕃克膺備福覃敷恩澤加惠閭閻俾海寓子民共臻樂利所有六十年各省應徵漕糧著再加恩普免一次其遵義府志

卷十五

蠲卹

九

應如何分年輪免之處仍著該部核議具奏是年十二月初三日奉

上諭前因六十年乙卯元旦日食上元月食雖薄蝕躔度可以預行推測但稽古史傳所載遇有日食月食等事往往下詔求言以示修省朕思

上天垂象固宜戒慎而應天以實不以文與其託諸空言孰若施諸實政前已降旨普免天下應徵漕糧俾海宇子民共臻樂利今思各省尚有節年民欠及因災帶緩未完銀穀俱應按限徵輸者小民究因官欠未清未得遂其含哺之樂朕仰邀

吳眷在位六十年寰宇寧謐景運增隆丙辰年卽屆歸政今若於朕臨御之年覃敷恩賚俾小民節年欠項廓然一清得以戶慶盈寧共遊化宇以副朕子惠黎元敷錫延禧俾普天羣黎無一負欠者莫大於是該部卽遵諭欽此

乾隆六十年九月二十三日奉

上諭前經降旨普免天下積欠令各該督撫查明具奏節據各督撫等查奏各省未完節年地耗正糧等項共銀一千七百十餘萬兩糧穀豆等項三百七十五萬餘石零俱已加恩全行豁免內奉天山山西四川湖南貴州廣西等省向俱年清年款並無積欠朕臨御六十年普免錢糧四次漕

遵義府志

卷十五

蠲卹

九

糧三次其餘水旱偏災蠲賑兼施所費帑金不下萬億所有藏富閭閻爲小民謀生計者無微不至此等年清年款省分小民踴躍急公輸將恐後今轉以并無積欠未得一體邀恩不足以昭平允所有奉天山山西四川湖廣貴州廣西向無積欠六省着加恩於下年正賦寬免十分之二該督撫等務宜董率所屬均勻減免酌定章程報部查核以副朕闡澤平施恩加無已至意欽此

乾隆六十年十月初八日奉

上諭朕臨御以來勤求民隱日有孜孜惟期藏富於民家給人足仰荷

吳眷眷佑

列祖貽庥寰宇昇平重熙累洽行慶施惠閭澤頻加節經普免天下漕糧三次地丁錢糧四次其餘遇有偏災隨時蠲賑不下千萬億兩近將各省積欠錢糧概行蠲免又復數千餘萬兩所以子惠元元休養生息者至周且渥今朕紀年慶符周甲丙辰元旦舉行歸政典禮爲嗣皇帝登極初元大廷授受篤祐延釐實爲曠古吉祥盛事允宜廣沛恩綸俾薄海羣黎共沾湛愷本欲於新正傳位後降旨但思二月間卽屆開徵之期恐遠省接奉稍遲着卽將嘉慶元年各直省應徵地丁錢糧通行蠲免以示朕與嗣皇帝愛

遵義府志

卷十五

蠲卹

十

育閭閻同錫恩施至意其如何按年輪免之處該部查照向例核議具奏施行欽此

部議請照乾隆五十五年例按各直省徵額將所屬

各州縣次第搭配作三次輪三年辦理

嘉慶元年

皇帝欽奉

太上皇帝恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之

一各處養濟院所有鰥寡孤獨及殘疾無告之人有司
心以時贍養毋致失所

嘉慶四年十一月十九日內閣奉

上諭現屆長至

園丘大祀

高宗純皇帝

升配禮成後自應仰推

皇考恩慈用敷惠闔因乾隆六十年以前各省積欠緩徵地

丁耗羨及民欠籽種口糧銀兩并積欠緩徵民借米穀草

束等項現在應徵者尙復不少著該部通行各省詳悉查

遵義府志

卷十五

蠲卹

三

明將以上各款自乾隆六十年以前普行豁免俾寰宇羣

黎同霑

遺澤於乾隆年間逋欠銀米等項永免追呼用仰副

皇考六十年子惠元元至意即將此二條入於

升配恩詔款內欽此

嘉慶十四年欽奉

恩詔內開

一軍民年七十以上者許一丁侍養免其雜派差役八十

以上者給與絹一疋綿一觔米一石肉十觔九十以上者

倍之百歲者題明旌表

一從前各省偏災地方所有借給貧民籽種口糧牛具等
項查明實係力不能完者著予豁免

一各處養濟院所有鰥寡孤獨及殘疾無告之人有司
心以時養贍毋致失所

嘉慶二十四年奉

上諭朕自丙辰元旦仰蒙

皇考高宗純皇帝大廷

授璽寅紹

丕基兢兢業業旰食宵衣以勤求邇治所願者四海羣黎家

給人足同臻康樂敬惟

遵義府志

卷十五

蠲卹

三

皇考臨御六十年普免天下錢糧四次漕糧三次

湛恩汪濊淪浹民心朕嗣位以來亦思廣施闡惠大賚寰區

始緣教匪不靖軍興孔棘繼以黃河泛濫屢舉大工十餘

年間所費帑金數踰十千萬國家財賦歲有常經實有入

不敷出之勢是以嘉慶十四年朕五旬正慶雖恩綸載錫

而未能普惠閭閻此年仰荷

昊蒼垂祐稂莠蕩除萬方寧謐河流順軌久慶安瀾以正供

所入謹制國用可無虞匱乏朕子惠元元深念損上益

下之義俟將來府藏充盈仍欲覃敷渥澤明歲嘉慶十

四年爲朕六旬正壽宜先蠲除積逋俾小民戶免追呼共

享含哺之樂所有節年正耗民欠及因災緩征帶征銀數著該各督撫詳晰查明按照該省所屬之某州某縣實欠在民銀數若干逐行開單具奏以次降旨豁免並著先將此旨謄黃宣示城鄉村鎮咸使聞知俾官吏胥役無從影射侵欺以期膏澤下究用副朕惠鮮懷保仁壽斯民至意該部卽遵諭行欽此

是年欽奉

恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者

遵義府志

卷十五

錫卹

三

倍之至百歲者題明旌表

一從前各省偏災地方所有借給貧民籽種口糧牛具等項查明實係力不能完者著予豁免

一各處養濟院所有鰥寡孤獨及殘疾無告之人有司留心以時養贍毋致失所

嘉慶二十五年八月二十七日欽奉

皇上登極恩詔內開

一軍民年七十以上者許一丁侍養免其雜派差役八十以上者給與絹一疋綿一觔米一石肉十觔九十以上者倍之

一各處養濟院所有鰥寡孤獨及殘疾無告之人有司留心以時養贍勿致失所

嘉慶二十五年十月二十二日欽奉恭上

皇考大行皇帝

尊謚恩詔內開

一各處養濟院所有鰥寡孤獨及殘疾無告之人有司留心以時養贍毋致失所

嘉慶二十五年十二月初三日欽奉敬上

皇太后尊號恩詔內開

一罰贖積穀原以備賑冬月嚴寒鰥寡孤獨貧民無以

遵義府志

卷十五

錫卹

三

爲生著直省各督撫令有司務將積穀酌量賑濟毋令奸民假冒支領

道光二年十一月十六日欽奉冊立

皇后恩詔內開

一各省老婦有孤貧殘疾無人贍養者該地方官加意撫卹毋令失所

十一月二十七日欽奉恭上

皇太后徽號恩詔內開

一各省民人有孤貧殘疾無人贍養者該地方官加意撫卹如無室廬棲處該地方官酌設棲流所以便棲處

道光十一年貴州巡撫嵩溥奏桐梓水災七月二十七日奉

上諭嵩溥奏查勘被水情形分別撫卹一摺桐梓縣城廂內外被水情形甚重災民逃避山坡松坎等處並損傷村民多名實堪惻憫該撫已飭碾動常平倉穀按戶散給口糧並設粥廠煮賑著俟水退時卽督飭印委各員趕緊詳細查明被水戶口及淹斃人口若干給與修屋殮埋之費該撫務當認真經理嚴防委員及胥吏等從中舞弊總期帑不虛糜民沾實惠毋令一夫流離失所以副朕軫念災區至意欽此

遵義府志

卷十五

通卹

五

戶部爲遵例等事貴州司案呈戶科抄出貴州巡撫嵩溥題貴州省道光十一年分桐梓貴筑二縣賑卹災民用過銀兩倉穀及應納糧銀分別蠲緩帶征一案道光十二年七月十三日題閏九月二十五日奉旨該部查核具奏欽此遵於本日抄出到部該臣等查得貴州巡撫嵩溥疏稱黔省道光十一年分桐梓貴筑二縣賑卹災民用過銀兩倉穀及應納糧銀分別蠲緩帶征一案據布政司麟慶按察司李文耕糧儲道郎葆辰會詳准貴西道移據遵義府知府于國琇署桐梓縣知縣王鎮疆及各委員查明桐梓縣城廂內

遵義府志

卷十五

通卹

五

外並東蘆漆三里地方被水災居民共壹千肆百壹拾伍戶男婦大口肆千肆拾玖名口每名口撫卹壹月口糧穀叁斗共給過穀壹千貳百壹拾肆石柒斗小口叁千捌百陸拾柒名口每名口撫卹壹月口糧穀壹斗伍升共給過穀伍百捌拾石零伍升坍塌瓦房叁百零二間半每間照例給修費銀捌錢共給過銀貳百肆拾貳兩草房壹千叁百壹拾貳間每間照例給修費銀伍錢共給過銀陸百伍拾陸兩新站松坎等處被災居民共叁百零肆戶男婦大口玖百叁拾陸名口因離城遙遠穀難運往照例每名口月折銀壹錢伍分共給過銀壹百肆拾兩肆錢小口柒百貳拾柒名口照例每名口月折銀柒分伍釐共給過銀伍拾肆兩伍錢貳分坍塌瓦房貳百叁拾壹間每間照例給修費銀捌錢共給過銀壹百捌拾肆兩捌錢草房貳百肆拾肆間每間照例給修費銀伍錢共給過銀壹百貳拾貳兩近城及松坎新站共淹斃大口玖拾玖名口每名口照例給銀貳兩共給過埋葬銀壹百捌拾兩小口壹百肆拾陸名口每名口照例給銀壹兩共給過埋葬銀壹百肆拾陸兩又城廂內外各處吃粥男婦大小共貳千陸百陸拾叁名口用過賑

粥碾動常平倉穀柒百柒拾肆石又新站松坎等處吃粥男婦大小共陸百零肆名口用過賑粥米折銀壹百伍兩叁錢又聞賑粥歸來近城伍拾貳戶共男婦大小壹百叁拾名口補給撫賑壹月口糧穀叁拾石零柒斗伍升又近城極貧來領者叁百捌拾肆戶共男婦大口壹千叁百伍拾貳名口每名口加賑兩月穀陸斗共給過穀捌百壹拾壹石貳斗小口一千壹百玖拾叁名口每名口加賑兩月穀叁斗共給過穀叁百伍拾柒石玖斗次貧來領者玖百叁拾玖戶共男婦大口貳千捌百伍拾壹名口每名口加賑壹月穀叁斗共給過穀捌百伍拾伍石叁斗小口貳千陸百捌拾柒名口每名口加賑壹月穀壹斗伍升共給過穀肆百零叁石伍升又松坎等處極貧來領者壹百叁拾貳戶共男婦大口肆百伍名口每名口加賑兩月穀折銀叁錢共給過銀壹百貳拾壹兩伍錢小口叁百伍拾陸名口每名口加賑兩月穀折銀壹錢伍分共給過銀伍拾叁兩肆錢次貧來領者壹百陸拾叁戶連聞賑歸來壹拾捌戶共壹百捌拾壹戶男婦大口伍百肆拾叁名口每名口加賑壹月穀折銀壹錢伍分共給過銀捌拾壹兩肆錢伍分小口肆

遵義府志

卷十五

調郵

七

百壹拾壹名口每名口加賑壹月穀折銀柒分伍釐共給過銀叁拾兩捌錢貳分伍釐內在川江續獲淹斃大口壹拾叁名口每名口給銀貳兩共給過埋葬銀貳拾陸兩小口十壹名口每名口給銀壹兩共給過埋葬銀壹拾壹兩以上賑卹加賑暨房屋修費埋葬等項共用過銀貳千壹百伍拾伍兩貳錢在於司庫兩浙節年起解協黔兵餉收存附解加平銀內動支照數發給領辦共動用過常平倉穀伍千貳拾陸石玖斗伍升在於司庫收存協補穀價項下動支發買自道光十二年起察看收成豐稔分年買補還倉

遵義府志

卷十五

調郵

天

取結報銷並據稱均經護貴西道朱德璽督同遵義府于國琇署桐梓縣王鎮疆暨委員署正安州柏中燧署綏陽縣陳鰲先後親身散放俾災黎均沾實惠並無虛冒等弊又東麓漆夜四里水冲沙壓糧田共壹千叁拾戶惟田被水淹稻穀顆粒無收所有本年應完錢糧銀陸百叁拾壹兩貳錢伍釐玖毫改徵米壹百捌拾伍石叁斗叁升肆合玖勺奏准照例蠲免貳分銀壹百貳拾陸兩貳錢肆分壹釐貳毫米叁拾柒石陸升柒合其餘捌分銀伍百肆兩玖錢陸分肆釐柒毫米壹百肆拾捌石貳斗陸升柒合玖勺緩至

道光十二年秋收分作二年帶征以紓民力並據各該縣造冊具結並各委員出具印結由該管府道覆核加結移送司所有造送災民用過銀兩倉穀及應納糧銀分別蠲緩帶征各清冊並印加各結詳請查核具題臣覆核無異除冊結分送部科外臣謹具題等因前來查定例被災地方賑濟口糧大口日給米伍合小口貳合伍勺銀米兼給穀則倍之被災柴分者極貧加賑兩個月次貧加賑一個月又例載貴州省水冲民房修費銀瓦房每間捌錢草房每間伍錢淹斃人口埋葬銀每大口貳兩小口壹兩又凡水

遵義府志

卷十五

蠲卹

三

旱成災地方官將災戶原納地丁正賦作為十分按災請蠲被災七分者蠲正賦十分之二各等語查此案前於道光十一年七月二十七日奉

上諭嵩溥奏查勘被水情形分別撫卹一摺桐梓縣城廂內外被水情形甚重災民奔避山坡松坎等處併損傷村民多名實堪憫惻該撫已飭碾動常平倉穀按戶散給口糧並設粥廠煮賑著俟水退時卽督飭應委各員趕緊詳細查明被水戶口及淹斃人口若干給與修屋殮埋之費該撫務當認真經理總期帑不虛糜民沾實惠等因欽此又於道光十一年十月三十日奉

遵義府志

卷十五

蠲卹

三

上諭嵩溥奏查明被水災民賑卹完竣一摺貴州桐梓縣本年五月城廂內外及松坎等處被水經該撫查明散給口糧煮賑加賑並給與修屋殮埋之費其水衝沙壓糧田業經各戶自行出資挑挖修復惟田被水淹稻穀顆粒無收所種雜糧僅堪糊口核計成災實有七分所有本年各戶應完錢糧銀陸百叁拾壹兩零秋米壹百捌拾伍石零著照所請加恩准其照例蠲免貳分其餘捌分緩至明年秋收後分作二年帶征以紓民力所有用過賑卹修費埋葬等項銀兩准于司庫兩浙節年起解協黔兵餉收成附解加平銀內動撥還款仍歸賑卹案內報銷至桐梓縣常平倉穀被水霉爛漂失及賑粥撫卹加賑動用所缺穀石准于司庫收存協補穀價項下動支發買自道光十二年起察看收成豐稔分年買補還倉取結報銷欽此今據貴州巡撫嵩溥題報桐梓縣城廂內外並東麓漆三里及新站松坎等處被水成災分別極貧次貧賑粥撫卹加增口糧暨房屋修費埋葬等項共用過銀貳千壹百伍拾伍兩貳錢在於司庫兩浙節年起解協黔兵餉收存附解加平銀內動支其動用過常平倉穀伍千貳拾陸石玖斗伍升在於司庫收存協補穀價項下動支發買各等語

臣部按冊查核與該撫奏准原案竝核與應給撫卹口糧銀穀以及瓦草房屋修費埋葬等銀之例均屬相符所有用過前項銀貳千壹百伍拾伍兩貳錢應准開銷至動用過前項常平倉穀伍千貳拾陸石玖斗伍升應令該撫轉飭查照奏准原案自道光十二年起察看收成豐稔分年買補還倉取具結收按年報部核銷又東蘆潦夜四里水冲沙壓糧田共壹千叁拾戶據該撫疏稱惟田被水淹稻穀顆粒無收所有本年應完錢糧陸百壹拾壹兩貳錢伍釐玖毫改征米壹百捌拾伍石叁斗叁升肆合玖勺奏准蠲免

遵義府志

卷十五

蠲卹

三

貳分銀壹百貳拾陸兩貳錢肆分壹釐貳毫米叁拾柒石陸升柒合其餘捌分銀伍百肆兩玖錢陸分肆釐柒毫米壹百肆拾捌石貳斗陸升柒合玖勺奏准緩至道光十二年秋收分作二年帶征等語臣部查與定例被災柒分蠲免貳分之二例相符所有送到印甘各結脩查外應令該撫卹飭分別緩征帶征以紓民力仍令按年造入地丁奏銷冊內送部查核等因道光十二年十二月十八日題十九日奉

旨依議欽此道光十二年正月初六日

上諭上年貴州桐梓等縣被水歉收業經降旨分別撫卹

蠲緩散放口糧小民諒可不致失所惟念今春青黃不接之時民力未能饒足着加恩將桐梓縣等處查明實在貧民或借給籽種或減價平糶該撫卹刊刻謄黃徧行曉諭務期實惠及民益饒生計用示朕新詔布闔軫念民依至意該部卽遵諭行欽此

道光十四年三月遵義縣沙溪里水災官爲賑卹

十四年十月十八日欽奉冊立

皇后恩詔內開

一各省老婦有孤貧殘疾無人贍養者該地方官加意撫卹毋令失所

遵義府志

卷十五

蠲卹

三

十四年十月二十一日欽奉加上

皇太后徽號恩詔內開

一各省人民有孤貧殘疾無人贍養者該地方官加意撫卹如無廬室棲處該地方官酌設棲流所以便棲處

道光十五年十月初十日欽奉

恩詔內開

一軍民年七十以上者許一丁侍養免其雜派差役八十以上者給與絹一疋棉一斤米一石肉十斤九十以上者倍之至百歲者題明給與建坊銀兩

戶部爲傳付事貴州司案呈道光十五年十月二十

日准江西司傳付內閣抄出山東道監察御史
况澄奏豁免錢糧請嚴剔弊端一摺道光十五年十

月初八日奉

上諭御史况澄奏豁免錢糧請嚴剔弊端一摺本年恭逢
皇太后六旬萬壽前經降旨普免道光十年以前民欠錢糧
該將軍督撫府尹等自應仰體朕意嚴飭所屬核實辦
理若如該御史所奏各省于應行豁免本款或先期徵
存不行流抵或既奉蠲免不為扣除或以官虧捏報民
欠吏胥等又復從中侵漁是以實不能及民徒飽官吏
之蠹此等情弊實難保其必無着各直省督撫等認真

遵義府志

卷十五

銅郵

重

查察務將應豁各款核實清釐分別在官在民將來開
單具奏奉旨豁免後即照單開豁免各數分晰條款刊
刻謄黃俾小民共見共知并照例按戶付執免單倘有
官吏影射及蠹役奸胥把持需索等弊一經發覺定將
該管官及該管上司一併從嚴懲處決不寬貸將此通
諭知之應傳付貴州等司赴司恭錄自行行文各該督
撫等一體遵照等因前來相應抄錄原奏行文貴州
巡撫速即轉飭一體欽遵辦理可也

道光二十年六月大雨桐梓精水壞閭舍禾稼貴州
巡撫賀長齡捐銀貳百兩知府黃樂之捐百兩署縣

甘雨施伍百兩賑之冊

拉稿

遵義府志

卷十五

銅郵

重